

տացելոց 'ի Տէր հին և նոր կտակարանաւ հա-
ւատալի է արարչագործութիւնն ամենակարօղին
Աստուծոյ մերոյ, որում զբէ ծայրագոյն մար-
գարէն Մովսէս, զի արարիչն ամենայն արարա-
ծոց անսկիզբ և անվախճան միմիայն Աստուած
մեր թէպէտ 'ի հոգոյ ստեղծեաց բնական բնու-
թիւն մարդոյ, այլ Աստուածային Շնչաւն փչեաց
զմեզ՝ շնորհելով Հոգի բանական, որում կենդա-
նացաք, և ետ ծայրագոյն իշխանութիւն նախա-
հօրն մերոյ Ադամայ, զի թագաւորեսցէ 'ի վերայ
ամենայն բնական անասուն կենդանեաց որք 'ի
վերայ երկրի և ետ զօրութիւն Հոգւոյ նորա
բանականութիւն, զի կարօղ լինիցի իմաստու-
թեամբ կառավարել հնազանդեցելոց իւրոյ, և
նշան մի ծայրագոյն եթող 'ի մէնջ մեր սահ-
մանելով Օրէնս բարիս՝ այսինքն Պատուէրն 'ի վե-
րայ Ադամայ, զի պահեսցէ հրամանս Տեառն, զի
սովաւ ծանիցէ ամենայն արարած որ ոչ ոք այլ
արարածք կարօղ լինիցի հրամայել 'ի վերայ
բնութեան մարդոյ, բայց միայն անսկիզբ և արա-
րիչն Աստուած. և ոչինչ այլ հարկ 'ի վերայ բնու-
թեան մարդոյ եղև, բայց հնազանդելոյ և պահե-
լոյ Պատուէր Տեառն արարչին իւրոյ. և պա-
տուէրն այն ինքն ցուցանէ զինքն իբր շնորհ
արարչի և Տեառն Ամենակարօղի, զի ոչ խիստ և ոչ
խոշոր և ոչ դժուարին բանիւ, բայց միայն չու-
տել 'ի պաղոյ ծառոյն գիտութեան բարւոյ և